



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-285-4/21**
Datum: **05.08.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica «A.M. NIŠIĆI» d.o.o. Ilijaš za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov pilića na lokalitetu Nišići u naselju Zlotege - Crna rijeka, općina Ilijaš, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu, «A.M. NIŠIĆI» d.o.o. Ilijaš daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov pilića izgrađenog na lokalitetu Nišići u naselju Zlotege – Crna rijeka na zemljištu označenom kao k.č. broj: 1161 K.O. Nišići, općina Ilijaš.
2. Vodna dozvola se daje na osnovu pregleda dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog objekta farme vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
 - 2.3. Da se obavezno praktikuje suho čišćenje prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 2.4. Čišćenje i pražnjenje vodonepropusne sabirne jame bez preljeva može vršiti isključivo firma ovlaštena za tu vrstu djelatnosti, prema posebnom ugovoru.
 - 2.5. Objekte čija je svrha odvođenje i prikupljanje otpadnih voda treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 2.6. Da se privremeno i trajno zbrinjavanje otpada od uginulih pilića i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
 - 2.7. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada farme, u vodotoke i na obale rijeka, odnosno na zemljišne čestice označene kao «vodno dobro».
 - 2.8. Vlasnik odnosno korisnik objekta je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «A.M. NIŠIĆI» d.o.o. Ilijaš dana 25.06.2021. godine podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov pilića izgrađenog na lokalitetu Nišići u naselju Zlotege – Crna rijeka na zemljištu označenom kao k.č. broj: 1161 K.O. Nišići, općina Ilijaš.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 065-0-Reg-19-005784 izdatog dana 07.01.2020. godine od strane Općinskog suda Sarajevo,
- Ovjerena kopija Uvjerenja o registraciji poreznog obveznika izdatog dana 11.09.2020. godine od strane Porezne uprave Federacije BiH - Kantonalni porezni ured Sarajevo,
- Ovjerena kopija Rješenja o odobrenju za građenje broj: 05/1-23-2498/14 izdatog dana 25.09.2014. godine od strane Službe za prostorno uređenje i stambeno-komunalne poslove Općine Ilijaš (izdato za Balović Admira vl. IPP «NIŠIĆI»),
- Kopija Rješenja o upotrebnoj dozvoli broj: 05/1-23-1464/15 izdatog dana 29.09.2015. godine od strane Službe za prostorno uređenje i stambeno-komunalne poslove Općine Ilijaš (izdato za Balović Admira vl. IPP «NIŠIĆI»),
- Ovjerena kopija Rješenja o okolinskoj dozvoli broj: UP-I 05/2-23-11-67/16 izdatog dana 14.09.2017. godine od strane Federalnog ministarstva okoliša Sarajevo,
- Kopija Rješenja o vodnoj dozvoli broj: 07-06-25-4284/16 izdatog dana 18.08.2016. godine od strane Ministarstva privrede Kantona Sarajevo,
- Kopija Rješenja o vodnoj dozvoli broj: UP-I/25-2-40-213-4/16 izdatog dana 24.06.2016. godine od strane «Agencije za vodno područje rijeke Save» Sarajevo (izdato za Balović Admira vl. IPP «NIŠIĆI»),
- Ovjerena kopija Rješenja o izmjeni Rješenja o vodnoj dozvoli broj: UP-I/25-2-40-213-5/16 izdatog dana 28.08.2016. godine od strane «Agencije za vodno područje rijeke Save» Sarajevo (izdato za «A.M.NIŠIĆI» d.o.o. Nišići),
- Kupija Ugovora o kupoprodaji nekretnina i pokretnina OPU-IP: 1183/2019 zaključen dana 26.11.2019. godine između IPP «NIŠIĆI» i «A.M. NIŠIĆI» d.o.o. Ilijaš,
- Ovjerena kopija Dopisa – odgovor na upit broj: 40-952-2/20 od 28.08.2020. godine (AVP Sava Sarajevo),
- Kopija Zemljišnoknjižnog izvataka broj: 065-0-NAR-20-058 461 ZK uložak broj: 759 izdatog dana 02.09.2020. godine od strane Zemljišnoknjižnog ureda – Općinski sud u Sarajevo,
- Kopija Ugovora broj: 1752/20-DS o čišćenju septičkih jama i odvozu otpadnog mulja i taloga iz septičkih jama zaključenog dana 26.10.2020. godine sa «DELTA PETROL» d.o.o. Kakanj,

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju

Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- «A.M. NIŠIĆI» d.o.o. Ilijaš
Zlotege bb, 71380 Ilijaš
- ☒ AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava